

12. november 2018

2019-mut aningaasanut inatsisissatut siunnersuut. Forslag til finanslov 2019.

(Aningaasaqarnermut Naalakkersuisoq)

2019-mut aningaasanut inatsisissatut siunnersuutip appasaaneerneqarnissaanut Aningaasaqarnermut Akileraartarnermullu Ataatsimiititaliap isumaliutissiissutaa pillugu ataatsimiittaliaq suliaq annertoq pillugu qutsavigaarput.

Siumumiit malunginiarparput Aningaasanbut Inatsisissaq pillugu isumaqatigiinniarnert aallartinne-ranniit aammalu Aningaasanut Inatsisissaq Inatsisartuni siullermeerneqarmat pingaatillugit taak-kartukkavut annertuumik isiginiarneqarsimasut tusaaneqarlutillu. Soorunami tamanna nuannaarutigaarput.

Siumumiit aamma maluginiarparput naalakkersuisut allannguutissanik arlalinnik siunnersuuteqarsimasut, taakualu siumumiit soorunami oqaaseqarfigisavagut:

- Naalakkersuisut allannguutissaatut siunnersuutaanni takusinnaavarput Illoiqarfinni Qaqortumi, Nuummi, Sisimiuni, Aasianni Ilulisaanilu ilinniartunut inissianik sanaartornerit ingerlaqqinnissaat, siumumiillu taakkununga tamakkiisumik tapersiivugut.
- Aamma Naalakkersuisut allannguutisasatut siunnersuutaanni takuneqarsinnaavoq Ilulissani, Nuummi Qaqortumilu mittarfissanut aningaasalersuinissamut oqaasertaliussatigut Kalaallit airport-imut aningaasalersuinissamut Naalakkersuisut pisinnaatinneqarnissaat, siumumiillu tamanna akuersaaratsigu oqaatigissuarput. Aningaasanut Inatsisikkut taamatut Naalakkersuisunut piginnaatitsissutaasut imaangilaq Naalakkersuisuniit pinngitsooratik tamarmik atorineqassasut, tassami Inatsisartut ukiaq manna aamma suliaarat Imm. 21 Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersor-neqarnissaa-nnullu killiliussatut piumasaqaatit pillugit Inatsisartut inatsisaat nr. xx, xx. xxx 2018-imeersoq. Taannalu novemari 15-niani naammassillugu inatsisartunit suliarineqartussaavoq, tassanilu aamma ilaavoq Naalakkersuisut siulittaasuata Kim Kielsen-ip statsministerimut Lars Løkke Rasmussen-imut Naalagaaffiup Mittarfinnik sanaartornermi aningaasalersueqataanissaa pillugu isumaqatigiissutaa, nunatta aningaasalersuinikkut annertuumik oqilisaanneqarneranik kinguneqartussaq, tamannalumi aamma Siumumiit naammassillugu suleqataaffigissavarput.
- Siumumiit Naalakkersuisunut matumuuna kaammattuutigeqqissuarput Mittarfissuaqarfiit avalequtaat illoqarfiit mikinerit tamarmik mittarfeeqqanik sanaartorfiginissaat

pimoorullugu kinguarsarnagulu ingerlatyeqqullugu, tassami Mittarfissuaqarfiit mittarfeeraqarfiillu imminnut ataqatigiissumik ingerlanneqartussaammata aningaasarsiornikkut tamakkiisumik iluaqusiinissaq anguneqassappat.

- Kiisalu aamma Naalackersuisut allannguutissatut siunnersuutaatigut takusinnaavarput ukiumoortumik kommuuninut tapiissutit aaqqiivigineqarnmissaat matumuuna saqqummiunneqartoq, aammalu Siumumiit naatsorsuutigilluinnarparput Kommuunit tamaasa paaseqatigalugit tapiissutit inisseqqissaarneqarumaartut.

Siumumiillit pinngitsoorusunngilagut makku pingaaruteqarluinnartut ilanngullugit taasaqarfigis-sallugit:

Siumumiit pingaartilluinnarparput Nunatsinni tamarmi meeqqat atuarfiisigut ajunngitsumik atugassaqartitsinissaq, taamaattumik Siumumiit pinngitsoorata qulakkerniarparput Kangaatsiami atuarfissap nutaap piviusunngortinnissaanut aningaasaliissuteqarnissaq.

Siumumiit pingaartilluinnarparput Nunatta tamarmi ineriartornissamut naligiimmik periarfissaqar-nissaa, taamaattumik siorna kallerup inneranut imermullu akit nutaamik aqqissuuppavut, sinerissami inuppasuarnut suliffeqarfippassuarnullu iluaqusiisumik, tamanna puiorneqassa-nngilaq eqqaamaneqassaaq. Taamaammat siumumiit suliavut inuiaqatigiinni atugarisatigut pitsannhorsaataasut ingerlateqqinniarlugit Naalackersuisunut kaammattuutigissuarput Illoqarfiit mikinerit inuussutissarsiornikkut suliffissaqarnillu ingerlanneqartussat Kommuunit suleqatigalugit aalajangersaqqullugit aallartisaqqullugillu.

Isumaginninnikkut inunnik kiffartuussinikut sullissiviit sullissisullu atugarisaasa pitsaanerulernissaat pitsannhorsarnissaat kaammattuutiginnarnagu piviusunngortitsivigeqqullugu Naalackersuisunut suliareqqussavarput, tassa inuit meeqqerivinni, utoqqaat illuini, innarluutilinnik paaqqinnittarfinni, allanilu isumaginninnikkut sullissivinni sulisut aningasaqarnikkut atugarisaasa pitsaanerulernissaat naammasilluigu sularineqartariaqalerpoq. Taamaliunngikkuta sulisut pikkorissut annaajorar-neqartuassapput.

Siumumiit pingaartipparput ingerlatsinikkut aningaasartuutikillisaanerit suli ersarinnerusumik angusaqarfiginissaat aammalu peqqinnissaqarfiimmut aningaasaliissutaasartut pissarsissutaanerusalerinissaat Siumumiit suleqataaffigissavarput, taamaattumik Namminersorlutik oqartussat allaffeqarfissuanni aningaasartuutikillisaanissamut periarfissat suli ersarinnerusumik sularineqarnissaat kaammattuutigissavarput.

Ullumikkut aalisarneq ingerlalluarpoq, nunarput aningaasarsiornikkut siuariartorpoq. Siumumiit Naalackersuisunut kaammattuutigissuarput Aalisarnikkut ajunngitsumik ineriartornerup

ingerlaannarnissaa sulissutigeqqulugu aammalu nunatta aningaasarsiornikkut siuariartornera aalisakkat inereernerullugit suliarinerisarnerisigut qularnaarniaqqullugu.

Siumumiit Naalackersuisunut kaammattuutigeqqissuarput Aningaasanut Inatsisissaq pillugu Partiit isumaqatigiinniarfigineqarneranni Siumumiit saqqummiussatta immikkoortut arlaqartut Inatsissap inaarsarneqarnerani eqqumaffigineqarnissaat.

Neriutigaarput naatsorsuutigalugulu aningaasanut inatsisissaq sapinngisamik oqimaaqatigiisumik pitsaasumillu naammassineqarsinnaajumaartoq. Siumumiillu sapinngisarput tamaat suleqataassaqqaaratta oqaatigissuarput.

Taamatut oqaaseqarluta pingajussaaneerneqartinnani aningaasaqarnermut akileraartarnermullu ataatsimiititaliamut innersuupparput.

Karl-Krtistian Kruse, Siumut